

醫燈續焰卷十三

錢塘後學潘楫碩甫註

同邑社盟王佑賢聖翼評

梁州儁士望

門人余禧亦社校

仇時御汝霖

癰疽脉證第七十四

癰疽浮數。惡寒發熱。若有痛處。癰疽所發。脉數發熱。

癰疽分曉
再合末節
巽帝問答知
而來俗醫憤
憤

而痛者陽。不數不熱。不疼陰瘡。未潰癰疽。不怕洪大。
已潰癰疽。洪大可怕。

癰者。壅也。疽者。阻也。榮衛氣血。壅塞阻滯。鬱熱成
膿之所致。有陰陽藏府之分。癰大而淺。疽小而深。
大則氣鼓發。鼓發則向表而淺。小則氣收斂。收斂
則近裏而深。淺則從府從陽。故易消易潰。深則從
藏從陰。故難消難潰。易潰者。則毒從外洩。難潰者。
則毒常內陷。此吉凶輕重之所由分也。方書謂其

先以衛氣失
常提出再貫
串諸症分拆
淺深臨症自

源有五。一曰天行。皆氣。二曰七情。內鬱。三曰體虛。
外感。四曰身熱。搏于風冷。五曰食灸。燔。飲法酒。服
丹石等熱毒。雖分爲五。然總不外三因也。三因者。
一外因。如素問運氣等篇之太陽。少陰。陽明。太陰。
少陽。厥陰之客氣。以及所至所復。寒燥濕邪。并熱
淫所勝。歲火太過之發。爲痹疹瘡瘍。癰疽瘡腫。又
據脉要精微論。帝曰。諸癰腫筋攣骨痛。此皆安生。
岐伯曰。此寒氣之腫。八風之變也。又生氣通天論。

曰。勞汗當風。寒薄爲皴。鬱乃瘞。薄之淺則爲瘡。鬱之久則爲瘞。又

曰。陽氣者。開闔不得。寒氣從之。乃生大癰。榮氣不

從。逆于肉理。乃生癰腫。腠理之開闔皆衛氣主之。衛氣失常則開闔亦不得

如常矣。邪因乘隙而入。結于筋絡。故成偃僂。邪若入陷於脉。則營亦不順。逆于肉理之中。久則結聚

爲癰腫也。又素問氣穴論曰。邪溢氣壅。脉熱肉敗。榮衛

不行。卽將爲膿。內消骨髓。外破大腠。留于節腠。必

將爲敗。邪留于節腠。谿谷之間。節腠谿谷神氣所注。必大爲敗壞。豈僅消髓破腠而已。又

靈樞刺節真邪篇曰。虛邪之中人也。搏于脉中。則

以下釋名甚
悉每知述者
苦心從此祭
入思過半矣

為血閉不通則為癰。亦榮氣不從義又云熱勝其寒則爛

肉腐肌為膿。內傷骨。內傷骨為骨蝕。熱氣勝久則良肉腐化為

膿不外瀉而內入則爛及于骨。又曰邪氣中之骨傷不易生新附骨如虫之蝕也。又曰邪氣中之

凝結日以易甚。連以聚居為昔瘤。凝結之久日漸增聚則日漸長

大矣。不腐而大贅于形體其名曰瘤。昔者風昔之謂言其久也。又曰骨與氣并。日

以益大。則為骨疽。邪附于骨久為骨疽又曰有熱則化為膿。

無熱則為肉疽。此邪結于肉者有熱久則肉腐為膿無熱久則肉化為漿渣今疽瘤

內常有一內因。如素問陰陽別論曰三陽為病發此類

寒熱下爲癰腫。

三陽者太陽也。太陽主表。故發寒熱。太陽走足。故下爲癰腫。

又

素問氣厥論曰。腎移寒於脾。癰腫少氣。脾移寒於

肝。癰腫筋攣。

腎水寒氣反移凌于脾土。是爲逆逆。則氣壅肌肉而爲腫。以脾主肌肉。故

脾以寒氣反移凌于肝木。亦爲逆逆。則氣不獨壅肌肉而筋亦攣。腫以肝主筋。故

又素問

厥論曰。少陽厥逆。發腸癰。不可治。驚者死。

此言少陽遊行

之火。若厥逆結聚爲毒。最甚。故不可治。若發驚。是爲入藏。主死。以驚屬心。藏則指厥陰。心包絡也。

又靈樞脉度篇曰。六府不和。則畱結爲癰。

府爲陽。陽主衛。

衛氣不和。則畱結于肌腠而癰腫矣。

又玉版論。黃帝曰。病之生時。有

諸氣憤鬱皆
屬于肺未有
氣鬱而榮衛
流通者斯蓋
由情志而成
故治法宜用
遠志等劑至
于五志相勝

喜怒不測。飲食不節。陰氣不足。陽氣有餘。營氣不

行。乃發爲癰疽。陰陽不通。兩熱相搏。乃化爲膿。喜怒

傷氣飲食傷藏不測者暴發之謂暴則氣壅逆而陽有餘不節者縱食偏嗜之謂不節則五宮傷而陰不足陽有餘則氣聚而熱勝陰不足則榮不行而熱亦勝兩熱相搏營衛不行故化膿而成癰疽

也。又陳無擇亦云。癰疽瘰癧。不問虛實寒熱。皆由

氣鬱而成。蓋言喜怒憂思久鬱所致。治以遠志酒。

獨勝散。兼以五志相勝之理。乃善。如恐勝思思勝恐之類不

內外因。如素問生氣通天論曰。膏粱之變。足生大

尤在攝生者
善自會心

丁。受如持虛。

足生者必生也

又異法方宜論曰。東方之域。

天地之所生也。魚鹽之地。海濱傍水。其民食魚而

嗜鹹。皆安其處。美其食。魚者。使人熱中。鹽者。勝血。

故其民皆黑色疎裏。其病皆爲癰瘍。其治宜砭石。

魚生于水。外陰而內陽。水之體也。動而不息。火之象也。火顯于外。陽蓄于內。美食久久。使人熱中。癰瘍之病。乃其常耳。又有久服丹石法酒熱毒蓄中。發爲癰

疽疔腫。亦同膏粱之類。其脉浮數者。以血泣而氣

復從之。邪與正鬱。鬱則化熱。故數也。在表在陽。故

瘡腫之發寒
熱大似傷寒
但傷寒病在
氣機則痛無
定所瘡腫傷
在形體故痛
止一處切須
認明施治

浮也。正爲邪搏。則宣暢外衛之力薄。故復惡寒。據
脉證。似與傷寒表證無異。但傷寒雖有痛。或在頭。
或在身體。或在骨節。未有痛止于一處者。今痛止
一處而脉數。此處必化熱爲膿。正癰疽所發之處
也。卽傷寒論。辨脉法所謂諸脉浮數。當發熱而洒
淅惡寒。若有痛處。飲食如常者。蓄積有膿是也。如
此者。乃爲陽毒。若脉不數。身不熱。所患之處不疼。
是邪客陰分。不能鼓發。多致內陷。然必兼有煩懊

瘡瘍舊列外科以其症形在外敷貼刀刺所加故也
不知症雖在外病由內生
非深明藏府經絡及內外

嘔逆。胸膈不安等證。否則不熱不疼。脉又不數。是一不病人也。何得謂之陰瘡而反重于陽證耶。方癰疽之未潰也。無論成膿與否。熱邪鬱蓄。外不疏通。脉之鼓湧洪大是其宜也。至于已潰。則熱泄邪解。而洪大之脉宜衰矣。潰而不衰。一派熱邪。正從何復。誠爲大可懼者。與素問評熱病論所謂病溫者。汗出輒復熱。而脉躁疾。不爲汗衰。病名陰陽交者。同一義也。凡此癰疽瘍腫。自有專書。註固不能

三因受病之
原似難取効
今人剽竊方
書不究義理
豈能轉危爲
安此篇大法
已備專精者
再參看立齋
諸書自入佳
境

畢述。然靈樞癰疽一篇。窮源別流。包括殆盡。恐業

外醫者。不能出其範圍也。故備錄于左。黃帝曰。余

聞腸胃受穀。上焦出氣。以溫分肉而養骨節。通腠

理。衛氣源流中焦出氣如露。上注谿谷而滲孫脉。津液

和調。變化而赤爲血。血和。則孫絡先滿溢。乃注于

絡脉。皆盈。乃注于經脉。陰陽以張。因息乃行。榮氣源流

行有經紀。周有道理。與天合同。不得休止。切而調

之。從虛去實。寫則不足。疾則氣減。畱則先後。從虛

去虛。補則有餘。血氣已調。形氣乃持。余已知血氣之平與不平。未知癰疽之所從生。成敗之時。死生之期。有遠近。何以度之。可得聞乎。岐伯曰。經脉流行不止。與天同度。與地合紀。故天宿失度。日月薄蝕。地經失紀。水道流溢。草薺不成。五穀不殖。徑路不通。民不往來。巷聚邑居。則別離異處。血氣猶然。請言其故。夫血脉營衛。周流不休。上應星宿。下應經數。寒邪客于經絡之中。則血泣。血泣則不通。不

命名固巧註
釋甚精

通則衛氣歸之。不得復反。故癰腫。

言衛氣因以留聚而不得復返

於平常流行之故道也

寒氣化爲熱。熱勝則腐肉。肉腐則爲

膿。膿不寫。則爛筋。筋爛則傷骨。骨傷則髓消。不當

骨空。

骨空。骨中之細孔如鬚眼者。所以通血液之滲灌。

不得泄瀉。血枯空

虛。則筋骨肌肉不相榮。經脉敗漏。薰於五藏。藏傷

故死矣。黃帝曰。願盡聞癰疽之形。與忌曰名。岐伯

曰。癰發于嗑中。名曰猛疽。

猛者猛烈。惡速之謂。

猛疽不治。化

爲膿。膿不寫。塞咽。半日死。其化爲膿者。寫則合。豕

膏冷食三日已發於頸名曰天疽

外在頸而內則入腋薰肺以其

最上故曰天

其癰大以赤黑不急治則熱氣下入淵腋

前傷任脉內薰肝肺十餘日而死矣陽氣大發消

腦留項名曰腦爍

爍消爍也烈火熔金之謂腦被其熱爍亦如之煩心者腎毒傳

心也其色不樂項痛而如刺以針煩心者死不可治

發于肩及臑名曰疵癰其狀色黑急治之令人汗

出至足不害五藏癰發四五日逞

速也

熇之發于腋

下赤堅者名曰米疽

言其小如粟米也

治之以砭石欲細

胸中衛氣所
出之處名井
者得非所出
為井之取義
耶

而長疎砭之。塗以豕膏。六日已。勿裹之。其癰堅而

不潰者。為馬刀挾纓。急治之。

馬刀蛤蠣之屬癰形似之挾纓者發于結

纓之處大迎之下頸側也二癰一在腋一在頸常相連絡故俗名歷串

發于胸。名曰

井疽。

言其深也

其狀如豆大。三四日起。不蚤治。下入腹。

不治。七日死矣。發于膺。名曰井疽。色青。其狀如穀

實。菰蘗。常苦寒熱。急治之。去其寒熱。十歲死。死後

出膿。

井屬土此疽發于陽明胃經隱名也即乳癰之類內累累如穀食之蓓蘗如括蕒之包子

雖不即死亦不即愈

發于脇。名曰敗疵。

亦乳串之類

敗疵者。女子

之病也。灸之。其病大癰膿。治之。其中乃有生肉。大如赤小豆。劉陵薤艸根。各一升。以水一斗六升。煮之。竭。爲取三升。則強飲厚衣。坐于釜上。令汗出至足已。發于股脛。名曰股脛疽。其狀不甚變而癰膿

搏骨。不急治。三十日死矣。發于尻。名曰銳疽。尾骨盡處

而尖銳故名其狀赤堅大。急治之。不治。三十日死矣。發

于股陰。名曰赤施。股陰足太陰厥陰二經所過之處。火毒傷陰之甚。則發此。曰赤

施者謂赤火之施發耳不急治。六十日死。在兩股之內。不治。